



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

2 APRIL 2021 (JUMAAT)



KEMENTERIAN PERDAGANGAN DALAM NEGERI
DAN HAL EKRAL PENGGUNA

KERATAN AKHBAR DAN MEDIA ONLINE (KPDNHEP)

2 APRIL 2021 (JUMAAT)

KPDHEP ambil serius

PETALING JAYA - Kementerian Perdagangan Dalam Negeri dan Hal Ehwal Pengguna (KPDNHEP) memandang serius isu penipuan melibatkan kandungan emas yang dianggap sebagai satu bentuk jenayah perdagangan.

Timbalan Menteri, Datuk Rosol Wahid berkata, jenayah tersebut adalah melibatkan penggunaan perihal dagangan palsu iaitu berkaitan jenis, kandungan atau standard ketulenan barangan yang diperbuat dari logam berharga.

Katanya, KPDNHEP boleh mengambil tindakan penguatkuasaan berasaskan perundangan sedia ada iaitu di bawah Akta Perihal Dagangan 2011.

"Kementerian pernah menerima maklumat mengenai penipuan emas yang dikesan melalui pemeriksaan sebuah syarikat konsesi kerajaan yang mengendalikan kerja tentu sah alat timbang dan sukat.

"Bagi menangani isu, pihak penguatkuasaan akan mengadakan pemeriksaan di kedai-kedai menjual barangan kemas di seluruh negara.

"KPDNHEP juga memiliki peralatan imbasan logam (XRF) yang akan digunakan dalam proses pengesanan awal ketulenan logam berharga," katanya kepada *Kosmo!* di sini semalam.

Tambah beliau, sekiranya hasil pengesanan awal semasa pemeriksaan mendapati bahawa logam berkenaan adalah



ROSOL

tidak menepati ketulenan sebenar logam, maka tindakan boleh diambil di bawah undang-undang yang telah dinyatakan.

Katanya, emas yang disyaki tidak menepati standard ketulenan akan dikemukakan ke Jabatan Mineral dan Geosains Malaysia untuk mendapat keputusan yang lebih tepat.

"Rekod menunjukkan terdapat tujuh aduan diterima KPDNHEP pada tahun 2018, manakala satu aduan pada 2019 sebelum meningkat kepada lapan aduan pada tahun lalu berkaitan emas.

"Pengadu yang tidak berpuas hati mengenai ketulenan sesuatu barangan kemas juga boleh membuat tuntutan ke Tribunal Tuntutan Pengguna Malaysia," jelasnya.

Jual kereta tiada wang pendahuluan boleh didakwa

Tindakan tegas syarikat guna taktik urusan jual beli babit perjanjian bank

Oleh Suzalina Halid
suzalina@bh.com.my

Petaling Jaya: Syarikat jual kenderaan boleh dikenakan tindakan tegas termasuk didakwa di mahkamah jika menawarkan pembelian tanpa wang pendahuluan atau *zero downpayment* bagi perjanjian sewa beli (HPA).

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid memberi amaran kepada syarikat menjual kenderaan bahawa taktik itu bagi urusan jual beli membabitkan perjanjian sewa beli dengan pihak bank, adalah suatu kesalahan yang boleh dikenakan tindakan tegas.

Beliau berkata, tindakan boleh diambil mengikut Seksyen 31 (1) Akta Sewa Beli 1967 dan mereka boleh didenda tidak melebihi RM100,000 bagi syarikat perkongsian atau pertubuhan dan denda tidak melebihi RM250,000 bagi kesalahan kedua dan seterusnya.

Bagi individu pula, katanya, boleh denda tidak melebihi RM25,000 atau dipenjarakan tidak lebih tiga tahun atau kedua-duanya sekali dan bagi kesalahan kedua dan seterusnya, denda tidak melebihi RM50,000 atau dipenjarakan tidak lebih lima tahun atau ke-

dua-duanya sekali.

"Tawaran wang pendahuluan sifar hanya boleh dibuat peniaga jika membabitkan jualan kredit dengan pihak kedai. Mengikut Akta Sewa Beli 1967, jika kenderaan dibeli secara HPA, syarikat sewa beli (penjual) wajib mengambil wang pendahuluan.

"Namun, jika pembeli melakukan pembelian dengan cara jualan kredit, mereka boleh dikesualkan daripada wang pendahuluan," katanya pada sidang media selepas merasmikan bilik pameran motor NWP Access di Seksyen 51 A, di sini semalam.

Rosol berkata, kementeriannya percaya ramai dalam kalangan pembeli masih tidak jelas mengenai perkara terbabit, sekali gus berdepan risiko 'ditipu' syarikat sewa beli.

"Kita memandang serius perkara ini dan jika ada syarikat yang menyalahi undang-undang berkenaan, mereka akan dikenakan tindakan tegas. Bagi pembeli, saya berharap mereka yang mahu membeli kenderaan, pastikan dahulu jenis pembiayaan yang ditawarkan," katanya.

Rosol berkata, berdasarkan Seksyen 31 (1) Akta Sewa Beli (ASB) 1967, mana-mana penyewa atau pembeli perlu membayar ti-



Rosol mencuba motosikal berkuasa tinggi pada majlis perasmian bilik pameran motosikal di NWP Access Sdn Bhd di Petaling Jaya, semalam. (Foto Mohd Yusni Ariffin/BH)

dak kurang daripada satu persepuluh harga tunai kenderaan yang termaktub dalam perjanjian, bermakna deposit minimum yang ditetapkan ialah 10 peratus daripada harga tunai kenderaan.

"Mana-mana syarikat jual beli yang tidak mematuhi peraturan itu boleh dikenakan tindakan mengikut Seksyen 31(1) Akta Sewa Beli 1967. Tawaran wang pendahuluan sifar akan menarik lebih ramai pembeli kerana tidak perlu menyediakan simpanan sekurang-kurangnya 10 peratus daripada harga kenderaan berkenaan," katanya.

Beliau berkata, jika pembeli ditetapkan membayar 10 peratus wang pendahuluan daripada harga kenderaan, ia menunjukkan keupayaan pembeli untuk membayar harga bulanan dan juga mampu mengurangkan komitmen bulanan pembeli.

Selain itu, katanya, ia dapat mengelak pembeli daripada disenarai hitam atau diisytiharkan bangkrut akibat kegagalan membuat bayaran tunggakan disebabkan bayaran bulanan yang tinggi.

Tawaran wang pendahuluan sifar hanya boleh dibuat peniaga jika membabitkan jualan kredit dengan pihak kedai.

Rosol Wahid,
Timbalan Menteri
Perdagangan Dalam Negeri
dan Hal Ehwal Pengguna

Pada majlis perasmian bilik pameran berkenaan, NWP Access turut menawarkan pembelian 10,000 motosikal tanpa wang pendahuluan menerusi jualan kredit kepada golongan berpendapatan 40 peratus terendah (B40) bagi membantu meringankan beban mereka terutama ketika ekonomi negara tidak menentu kerana pandemik COVID-19.

Rosol berkata, inisiatif syarikat

berkenaan menawarkan kemudahan itu adalah langkah baik bagi memastikan kelangsungan hidup mereka yang terjejas akibat di-buang kerja atau menganggur ketika ini.

"Tawaran ini membolehkan mereka yang terjejas dapat memiliki motosikal bagi bekerja sebagai penghantar makanan atau lain-lain pekerjaan tanpa beban menyediakan wang pendahuluan untuk membeli kenderaan berkenaan.

"Ini usaha baik dan sejajar dengan inisiatif kementerian menggalakkan usahawan supaya lebih kreatif bagi menjana ekonomi terutamanya dalam tempoh pandemik ini," katanya turut menggalakkan penggunaan transaksi digital dan elektronik dalam perjanjian sewa beli serta jualan kredit yang dapat memudahkan pembeli motosikal atau kenderaan bermotor serta syarikat penjual kenderaan.

"Langkah ini amat digalakkan ke arah mendidik komuniti peniaga dan pengguna ke arah urusan digitalisasi," katanya.

Syor pinda akta galak beli kenderaan, rancak ekonomi

Kuala Lumpur: Kerajaan dicadang meminda Akta Sewa Beli 1967 dengan membenarkan penawaran wang pendahuluan serendah lima peratus bagi urusan jual beli kenderaan melalui perjanjian sewa beli (HPA).

Presiden Persatuan Persekutuan Motor dan Syarikat Kredit Malaysia (FMCCAM), Datuk Tony Khor Chong Boon, berkata pindaan itu relevan bagi menggalakkan pembelian kenderaan, sekali gus merancakkan semula ekonomi ketika penularan COVID-19.

Mengulas lanjut, katanya, sudah tiba masanya kerajaan menurunkan kadar wang pendahuluan bagi jual beli kenderaan berikutan pinjaman tidak berbayar (NPL) bagi pinjaman sewa beli di negara ini

adalah baik, iaitu di bawah 1.8 peratus, sekali gus antara yang terendah di Asia.

"Kita mendesak Kementerian Perdagangan Dalam Negeri dan Hal Ehwal Pengguna (KPDNHEP) supaya meminda undang-undang dengan menurunkan wang pendahuluan hingga lima peratus. Penggunaan kenderaan khususnya kereta terpakai menjadi keperluan dan bukannya satu kemewahan di negara ini," katanya ketika dihubungi *BH*, semalam.

Pada masa sama, Chong Boon berkata, pindaan akta itu perlu bagi menyokong kedudukan Malaysia yang turut menjadi antara negara pengeluar kereta.

Dalam berdepan pandemik COVID-19, beliau berkata, orang awam

Kita mendesak Kementerian Perdagangan Dalam Negeri dan Hal Ehwal Pengguna (KPDNHEP) supaya meminda undang-undang dengan menurunkan wang pendahuluan hingga lima peratus.

Tony Khor Chong Boon,
Presiden Persatuan Persekutuan Motor dan Syarikat Kredit Malaysia (FMCCAM)

kini lebih selesa menggunakan kenderaan persendirian berbanding pengangkutan awam atas faktor keselamatan dan kesihatan.

"Kira-kira 4,500 ahli di bawah persatuan kami maklum akan peraturan larangan menawarkan wang pendahuluan sifar bagi urusan jual beli kenderaan membabitkan HPA.

"Setakat ini, kami tidak menerima sebarang aduan mengenai pelanggaran peraturan mengikut akta sewa beli itu. Setahu saya, tidak ada syarikat kereta melanggar peraturan itu, malah kami sendiri menasihati ahli supaya mengikut akta yang ditetapkan," katanya.

Sementara itu, Presiden Persatuan Automotif Malaysia (MAA), Datuk Aishah Ahmad, yakin syarikat ternama tidak terbahit dengan se-

barang penawaran wang pendahuluan sifar bagi HPA.

"Semua syarikat jualan kenderaan sudah maklum dengan peraturan yang ditetapkan kerajaan itu. Memang kita tidak boleh lakukan penawaran itu (tanpa deposit) dan semua maklum peraturan ini. Saya tidak rasa syarikat besar akan melakukan kesalahan ini kerana mereka tentu tidak mahu dikenakan tindakan termasuk diheret ke mahkamah," katanya.

Beliau berkata, syarikat kredit bagaimanapun dibenar menawarkan 100 peratus pinjaman kerana mereka tidak tertakluk di bawah akta sewa beli, namun kadar faedah yang ditawarkan melalui pinjaman oleh syarikat kredit adalah lebih tinggi.

KPDNHEP kesan enam kes tipu timbangan kelapa sawit

PUTRAJAYA – Sebanyak enam kes penipuan timbang buah kelapa sawit dikesan di utara Semenanjung dengan nilai rampasan RM36,850 menerusi Ops Timbang Sawit yang dijalankan Bahagian Penguat Kuasa Kementerian Perdagangan Dalam Negeri Dan Hal Ehwal Pengguna (KPDNHEP), minggu lalu.

Pengarah Penguatkuasa KPDNHEP, Azman Adam berkata, menerusi operasi itu, sebanyak 12 kes telah diambil tindakan oleh Lembaga Minyak Sawit Malaysia (MPOB) atas kesalahan di bawah undang-undang yang dikuatkuasakan oleh jabatan berkenaan.

Beliau berkata, fokus tindakan Ops Timbang Sawit adalah untuk memastikan alatan timbangan yang digunakan tepat dengan membuat pemeriksaan menyeluruh terhadap perkakasan, perisian atau mana-mana komponen sistem yang digunakan peniaga di pusat pengumpulan dan pembelian buah sawit supaya berada dalam keadaan baik.

"Pemeriksaan juga untuk memastikan alat timbang tersebut



BEBERAPA anggota penguat kuasa KPDNHEP memeriksa alat penimbang kelapa sawit di sebuah negeri di utara tanah air, minggu lalu.

telah diuji dan disahkan," katanya menerusi kenyataan akhbar di sini semalam.

Mengulas lanjut, beliau berkata, peniaga di pusat pengumpulan dan pembelian buah sawit di bawah pelaksanaan Ops Timbang Sawit tertakluk di bawah peruntukan Akta Timbang dan Sukat 1972 (ATS 1972) dan Akta Kawalan Harga dan Antipencatutan 2011 dan dike-

hendaki mempamerkan tanda harga dengan jelas.

"Operasi ini secara langsung memberi kesan positif kepada penjual buah sawit khususnya pekebun kecil kelapa sawit kerana elemen penipuan atau manipulasi alat timbang sawit dapat dielakkan apabila alat timbangan yang tepat atau betul sahaja digunakan dalam urusan niaga tersebut," tambahnya.

HARI	:	<u>JUMAAAT</u>
TARIKH	:	<u>2/4/2021</u>
M/SURAT	:	<u>16</u>

Senarai Harga Barang Keperluan	
• Ayam	RM5.99
• Daging Lembu Tempatan	RM34
• Daging Lembu Import	RM21
• Telur Gred A	RM8.59
• Ikan Kembung	RM10
• Minyak Masak	RM5.40
• Gula Pasir	RM2.85
• Bawang Besar Holland	RM 2.50
• Bawang Putih	RM5.50
• Cili Merah	RM6
• Kubis Tempatan	RM1.99
• Tepung Gandum	RM2.15

*Harga (RM/kg) Sumber: KPDNHEP